

Ыччат дьон, үлэни-үөрэҕи баһылаан!

Устудьуон сыллара өйгө-санааҕа мэлдьи хаалаллар диэн чакчы. Онон, биир да түгэни куоттарбакка, халтайга ыыппакка, туох баарга барытыгар, араас аранҕа бэйэ күүһүн-уобун кыайарынан кыттыахха наада.

Мантан аллараа үөрэҕи сомсо сылдьар АГАТУ уонна ХИФУ устудьуоннара санааларын үллэһинилэр.

● **Айталиа СОФРОНОВА**



Евгений Леонтьев, АГАТУ 3-с кууруһун устудьуона:

– Сессиябын үчүгэйдик түмүктэтим. Сотору дойдубар Сунтаарга агро хайысхалаах оскуолаҕа баһаатайынан үлэли барыахтаахпын. Быйылгы үөрэх дьыла этэнгэ ааста, кыһыл

дипломна баран иһэбин. Үөрэх дьылын түмүгүнэн ситиһим үгүс, холобура, Арасыйатааҕы хаартыскаҕа түһэрээччилэр куонкурустарыгар иккис миэстэ буолбутум. Бэйэм агро өттүгэр улахан бырайыак толкуйдаатым, ону кэлэр сылга муус устарга олоххо киллэриэм.

Эдэр ыччаттар сөбүлүүр идэҕитин талан, бу олоххо сөптөөх үлэ миэстэтин булунун. Эдэр саас олоххо биридэ бэрлээр, ону үөрүү-көтүү, ситиһи эрэ аргыстаах атаарыах.



Павел Мамонтов, АГАТУ 2-с кууруһун устудьуона:

– Соһуйуо иһин, сессиябын олус үчүгэйдик түмүктэтим; сорох дьысипилинэлэрэ ыарахаттардаах курдуга. Быйыл сайын улахан былаан суох

гынан баран, үчүгэйдик сынньанарга уонна үлэлииргэ баҕарыам этэ. Үөрэх дьыла этэнгэ ааста диэххэ наада, сороҕор паараларга олус ыарахан этэ эрэри, уопсайынан, үөрэнэрбин уонна билини сомсорбун астынным. Куурусун кэккэ ситиһилэрдээх түмүктэтим, элбэх санга доҕордоннум.



Николай Горчаков, АГАТУ 2-с кууруһун устудьуона:

– Сессияны үчүгэйдик түмүктэтим. АГАТУ-га киирэммин бэрт элбэх доҕордоннум, уһууааччылар үөрэтэллэрин астынным. Чакчы, чинг билини ылан, иккис кууруска табыстым.



Сандал Васильев, ХИФУ автодорожной факультетын устудьуона:

– Сессия бэрт чөлчөкитик ааста. Үөрэхпин бүтэрэн, суол тутуутугар лаборант/маастар үлэһитинэн кириэм. Күһүн, сатаннаҕына, магистратураҕа киирсэн көрүөм.



Амалия Федорова, АГАТУ 2-с кууруһун устудьуона:

– Сессия үчүгэйдик ааста! Кылаабынайа, долларыммын даачаҕа атаарбын, дьоммор илии-атах буолабын, ээ, өссө лааҕырга барыахтаахпын. Устудьуон киһи, самай сүрүнэ, паараны көтүтүмүөн, сорудаҕы кэмизгэр толоруон наада эбит. Оччоҕо барытын кыайар, ситиһэр.



Дархан Ксенофонтов, АГАТУ 3-с кууруһун устудьуона:

– Сессия син үчүгэйдик диэххэ сөп! Биһиги үс ый үөрэммиттэри эрэри, онтон биһир ыйын быһа ыалдьан тахсыбытым. Инньэ гынан үөрэхтэн соччо астымматым. Бу сотору балтараа ыйдаах быраактыка саҕаланар. Үөрэх дьыла уопсайынан үчүгэйдик ааста, оннооҕор туйгун буоллум.



Никита Аянитов, ХИФУ юридической факультетын устудьуона:

– Сессиябын туйгундук түмүктээн, үөрэхпин этэнгэ бүтэрэн эрэбин. Сотору атын үөрэххэ докумуоннарбын туттарыам. Сайын төрөөбүт төрүт дойдубар, кырылас кумахтаах Уһээ Бүлүүгэ буолаары турар үбүлүйдээх үрүн тунах ОЛОНХО ыһааҕын түһүлгэтигэр сылдьыам. Тыа киһитэ буоларым быһытынан от үлэтигэр күргүөмнээхтик, өрө күүрүүлээхтик үлэлээн-хамсаан, самаан

сайыммын атаарыам.

Бу үлүгүрдээх хамсык кэмэ түмүктэнэн, ыччакка аналлаах тэрээһиннэр элбээннэр, олохпут-дьаһахпыт чөлүгэр түһэн, сэргэсыйэн, өрө тынан эрбит.

Ситиһи туһунан этэр буоллаха, тохсунньуга университетпыт Арасыйа килбэйэр киинигэр Москва куоракка ыччат туһугар сүүрү-көтө, үлэли-хамсы сылдьар дьону анаан мин ээн "ШКОЛА ОРГАНИЗАТОРОВ КОММУНИКАЦИИ" үөрэххэ үөрэттэрэн аҕала. Онон элбэҕи билэн-көрөн, быйылгы сыллааҕы сүрүн ситиһибинэн ааҕынабын.



Сайана Тобохова, АГАТУ 2-с кууруһун устудьуона:

– Хата, сессиям улахан кыһалҕата суох сабыллан хаалла, наһаа үөрдүм. Сайын мин куорат дьалхааньттан сынньанар баҕалаахпын уонна кэлэр үөрэх дьылыгар күүспүн ыларга былаанныбы. Хайдах эрэ, үөрэх дьыла наһаа түргэнник ааста, үөрэхтэн элбэх билини ингэринним. Бастакы кууруһу олус эппиэтинэстээхтик, дьаныһан туран түмүктэтим.



Александра Софронова, АГАТУ 1 кууруһун устудьуона:

– Үөрэх дьыла наһаа куһаҕана суохтук ааста, сорох кэмнэргэ ыарахаттар бааллара. Быйыл сайын үлэлиир баҕалаахпын уонна аны күһүнгү үөрэх дьылыгар бэлэмниэм. Сессиябын эрдэ түмүктээн, кылгас кэмнэ сынньанар былааннаахпын, онтон үлэ көрдөнүөм.



Алексей Андреев, АГАТУ 3-с кууруһун устудьуона:

– Эксээмэнэрбин барытын туттардым, ол иһин бэрт үчүгэй настырыаннаах сылдьабын. Сайыммыт «уже» кэлбит эбит диц, халлааммыт олох сылааһынан көрөн турар. Кыратык сынньанан түһэн баран АГАТУ колледжыгар үлэлиэм.



Леонид Аммосов, ХИФУ хайалары үөрэтэр институт устудьуона:

– Сыл ахсын үөрэх түмүгэр ыарыҕатымы баар буолар, оннук кыһалҕа элбэх устудьуонҕа тириир. Ол да буоллар үөрэхпин бүтэрэн, дипломмун этэнгэ туттардым. Салгыы үөрэнэр булааннаахпын.



Туйаара Лазарева, ХИФУ саха тылын салаатын устудьуона:

– Сессиябын барытын «туйгун» сыанаҕа саптым. Салгыы магистратураҕа туттарсыам. Ону таһынан үлэлиэм-хамсыам.

Судаарыстыбаннай эксээмэн туттарыыта, диплом көмүскээһинэ буолан, быйылгы үөрэх дьыла ыараҕан соҕустук ааста. Биллэн турар, ситиһим диэн,

дьаныһан туран кыһыл диплом ылбытым буолар. Ону таһынан наука конференцияларыгар кыттыбыппын, устудьуоннарга анаан араас таһымнаах тэрээһиннэри ыыппытыт, күүс-көмө буолбутун ааттыахпын сөп.

Устудьуоннар, хаарыан сылларгытын умнулубаттык атаара сатаан, элбэҕи билин-көрүн, үөрэниҥ. Уопсайга таах сыппакка, үөрэҕи таһынан уопастыбаннай олоххо кыттыһыҥ, бэйэҕитин сайыннара сатаан.



Дмитрий Барашков, ХИФУ инфраструктурнай технология колледжын устудьуона:

– Быйылгы үөрэх сыла – университеты бүтэрэр бүтэһик сылым. Эксээмэннэрбин туттаран, сочуоттарбын ылан, диплом көмүскээн, үөрэ-көтө сылдьабын. Билигин салгыы үөрэхпин үрдэтинэр сыал-сорук туруоруран, ох курдук онгостон сылдьабын. 2021-2022 үөрэх дьыла үтүмэн элбэх үтүө түгүннэринэн, хатыламат үгүннэринэн баай буолла, бааһынайдаан

эттэххэ, эмоция бары көрүнгэ эдэркээн сүрэхпинэн курдары курбууланан, тилийэ көтөн ааста.

Былырын сайын университет хамаандатын хомунан ойуур баһаарын утары охсуһууга сэмэй кылааппытын киллэрэн, түөскэ анньыллар бэлиэ ылбытым тус бэйэбэр олус күндү уонна сүдү суолталаах.

Саҕа устудьуон буолаары сылдааччыларга туһаайан этэр буоллаха, сайдыы суолуттан туорааман! Устудьуон уопастыбаннай олоҕор төбөбүт оройунан умсан кэбиһин уонна ол дохсун сүүрүүн устун эрчимнээхтик харбаан иһин!



Валерия Макарова, саха тылын салаатын устудьуона:

– Сессиябын этэнгэ «4» да, «5» сыанаҕа түмүктээн, үрдүк үөрүү өрөгөйүн билэ сылдьабын. Самаан сайын сандаархай күннэрин төрөөбүт төрүт дойдубар атаарыахпын баҕарыам. Сынньанан, күүс-күдэх мунньуан, налыччы үлэ-хамнас

көрдөнүөм. Күһүн магистратураҕа туттарсыам.

Диплом сурулуна! Хаһаангытааҕар да сырабын-сылбабын ылбыт үөрэх дьыла түмүктэнэрэ кэллэ. Аһыйах күнүнэн үрдүк үөрэхтээх исписэлиис буолаары сылдьабын. Соргу-дугуй!

Устудьуоннаабыт сылларым сүрүн сыла диэн үрдүк таһымнаах исписэлиис буолуу этэ буоллаҕа. 4 сылы быһа тохтообокко экирээпит ыра санаам туолан ээрэ – бу мин үрдүктэн үрдүк ситиһим.